

本书出版得到国家古籍整理出版专项经费资助

# 清代吏治史料

续  
紫  
書  
局

官员銓选史料  
二五

# 清代吏治史料

綫裝書局



經筵講官少保兼太子太保保和殿大學士兼管吏部戶部尚書事加四級臣張廷玉等謹

題為請補官員事該臣等議得署理陝西提督查即阿等疏稱興安州屬洵陽縣知縣袁海泰革員缺前將試用知縣韓德修委署一載有餘居官謹飭辦事勤敏請即以韓德修實授洵陽縣知縣洵屬人地相宜等因前來 查韓德修直隸舉人候選知縣係雍正六年十月內揀選引

見奉

旨命往川陝委署試用之員今該署督等既稱委署洵陽縣知縣一載有餘居官謹飭辦事勤敏請即實授等語應如該署督等所請韓德修准其實授洵陽縣知縣再查該員引

見未過三年應照例毋庸送部可也恭候  
命下臣部遵奉施行臣等未敢擅便謹

題請

旨雍正八年十一月二十五日題本月二十七日奉  
旨韓德修依議補授餘依議

經筵講官少保兼太子太保保和殿大學士兼管吏部戶部尚書事加四級臣張廷玉等  
謹

題為酌通遺缺調補之例分別俸滿陞用之員以收實效以廣

皇仁事該臣等議得廣西巡撫金鉅疏稱慶遠府河池州知州陳壽明于雍正三年二月內到任

扣至雍正七年十二月內歷俸已滿五年任內罰俸住俸之案自雍正八年四月內奉

旨悉行寬免准其開復此外並無降住停陞等案應照五年俸滿之例保題等因前來

查雍正二年七月內九卿議覆修奏廣西太南慶思四府官員無論調補部選以

及奉

旨命往之員俱令實歷五年俸滿方准題報陞用等因奉

旨依議欽遵在案今該撫等跪稱陳壽明歷俸已滿五年照例保題等語應如該撫等所

請陳壽明准其五年俸滿即陞註冊但查該員任內有承緝完犯限年緝拿一業應俟

緝獲開復之日入於即陞班內陞用可也恭候

命下臣部遵奉施行臣等未敢擅便謹

題請

旨雍正八年十一月二十五日題本月二十七日奉

旨依議

署理 盛京戶部侍郎事務光祿寺卿臣和善等謹  
題為請

旨事臣等查得雍正二年四月內准吏部議覆原任

盛京戶部侍郎格爾布奏稱臣部銀庫供應

三陵給發奉天寧古塔黑龍江等處官員兵丁俸餉及驛站錢糧紬緞布疋等項關係緊要懇將臣部郎中常有設放在庫令其辦理錢糧事務等語應照所請令常有管理錢糧事務三年更換等因題覆奉

旨依議欽此欽遵在案今據臣部管理銀庫郎中傅柱呈稱職於雍正六年三月二十五日到任連任扣至雍正辛亥年二月二十五日三年任滿等情據此臣等查郎中傅柱三年任滿例應更換但臣部銀庫關係緊要必須賢能之員辦理於庫務始有裨益伏乞

皇上睿鑒揀賢能之員將傅柱員缺更換為此謹

題請

旨雍正八年十一月初三日題本月二十七日奉  
旨該部議奏



巡撫貴州兼理湖北川東等處地方提督軍務都察院右僉都御史加六級紀錄一次駐劄貴陽府臣張廣泗謹

題為欽奉

上諭事該臣看得選補教職每多曠缺荷蒙

皇上洞鑒

勅部議覆將雲南等省教職開列銓法截定人數給發遇有缺出挨次選用續准

部咨按月具

題所有雍正八年九月分選逆教職行據署布政使事糧驛道王廷琬詳稱黎平府錦屏縣經制教諭劉桂丁憂平越府餘慶縣復設教諭趙楷會試中式新掣都勻府復設訓導鄭瑞年老告休所遺各缺俱歸單月分銓選定例單月經制學止教諭缺出俱用應補之人無應補之人將雙月之人陞選今查有俸滿之都勻府清平縣現任訓導劉士行於康熙五十六年四月十三日到任歷俸十二年十個月零七日應陞黎平府錦屏縣經制教諭又餘慶縣復設教諭員缺定例單月復

設教諭缺出用應補一缺恩貢拔貢副榜二缺捐納一缺應補捐納無人將恩貢拔貢副榜輪流抵補合將丁憂起復之原任餘慶縣教諭彭思聖制補又都勻府復設訓導員缺定例卑月復設訓導缺出用應補一缺挨貢二缺捐納一缺如應補捐納無人將挨貢抵補今將康熙三十九年分挨貢照近准部文將施秉貴定銅仁普安定番平遠等府州縣同年出貢之蔣荐科王萬邦蕭鼎梅廷楷王蓋臣王緯等六名代為掣籤今王緯掣得都勻府復設訓導俟大定府平遠州挨貢理合欽遵每月一次具

題造具清冊詳送前來除冊分送部科外臣謹具

題伏祈

皇上睿鑒勅部查照施行謹具奏

聞雍正八年十月十九日題十一月二十七日奉

旨該部議奏

巡視長蘆等處鹽課監察御史仍兼內務府郎中佐領紀錄二次臣鄭禪寶謹

題為恭報交印日期事竊臣于本年七月初三日蒙都察院劉知刑科抄出雍正八年六月二十一日奉

旨巡視長蘆鹽課著齊士齊去齊士齊未到任之前仍著鄭禪寶管理欽此欽遵在案  
今新任鹽臣齊士齊于本年十一月十二日抵津臣謹將雍正字二十九號印信一顆流傳  
聖諭一道敕錄各部院督撫行到

上諭八本部頒大清律集解附例一部大義覺迷錄一部于本日委員經歷汪兆齡齎  
送新任鹽臣齊士齊授受併一切鹽務事件交代訖所有原奉到臣坐名  
勅書一道並未填用火牌二張徑送都察院轉繳外謹將交印日期理合

題報伏祈

皇上鑒鑒勅下部院察照施行謹題請

旨雍正八年十一月十二日題本月二十七日奉

旨該部知道

駐劄長沙府城巡撫湖南等處地方提督軍務兼理糧餉都察院右副御史加  
一級臣趙弘恩謹

題為察陳改土歸流事該臣看得瀏陽縣知縣員缺前准部咨准其將試用人員  
陳夢文委署俟試用一年果能稱職照例題請實授等因飭遵在案嗣因該員  
係巡察臣唐繼祖嫡甥呈請迴避當查該員年力精壯才具優長巡察係一年  
更換經臣

題准部覆免其迴避等因茲據駐劄長沙府城湖南布政使楊永斌等詳稱查得  
該員係由舉人試用今在任已滿一年辦事明白居官謹飭應請實授等因前  
來臣查陳夢文辦事一年實屬稱職相應據詳

題請實授謹會題請

旨雍正八年十月二十七日題十一月二十七日奉  
旨該部議奏

經筵講官少保兼太子太保保和殿大學士兼管吏部戶部尚書事加四級臣張廷玉  
等謹

題為循例

題補河員以重河防事該臣等議得河東提督田文鏡疏稱河南開封府南岸河  
務同知懷慶府黃河同知各員缺俱有修防工程之責關係緊要例應擬定正  
陪具題查現任歸德府管河通判劉日章熟諳河防人亦明白効力候補知  
縣何源浩久歷河工趨事勤敏現任武安縣知縣唐繹祖才識練達河務通  
曉現任考城縣知縣毛伯鳳修防勤慎為人穩實以上四員臣細加遴選俱係  
熟諳河務辦事勤慎之員所有開封府南岸河務同知員缺將劉日章擬正何  
源浩擬陪懷慶府黃河同知員缺將唐繹祖擬正毛伯鳳擬陪照例給咨各  
該員赴部引

見恭候

皇上欽點補授等因前來

查河工各缺例應揀選諳練之員擬定正陪送部

引

見今該督院稱河南開封府南岸河務同知員缺現任歸德府官河通判劉日章  
熟諳河防人亦明白擬正効力候補知縣何源浩久歷河工趨事勤敏擬陪懷慶  
府黃河同知員缺現任武安縣知縣唐繹祖才識練達河務通曉擬正現任考  
城縣知縣毛伯鳳修防勤慎為人穩實擬給咨赴部引

見恭候

欽點補授等語應俟各該員到日臣部照依所擬正陪註明考語帶領引  
見恭候

皇上於正陪四員內

欽點補授恭候

命下臣部遵奉施行臣等未敢擅便謹

題請

旨雍正八年十一月二十六日題本月二十八日奉

旨依議

經筵講官少保兼太子太保保和殿大學士兼管吏部戶部尚書事加四級臣張廷玉等謹

題為欽奉

上諭事該臣等議得工部左侍郎兼管順天府府尹事孫嘉淦疏稱臣衙門經歷許準由監生遵西鳳例捐光祿寺典簿又遵例對品改補雍正五年十月初三日到任起連陞扣至八年九月初三日試俸三年已滿該員勤慎供職與例相符理合具題等因前來 查康熙六十一年五月內九御議覆欽奉

上諭一疏在內捐納各官自到任之日扣算俱令試俸三年果能稱職具題實授等因奉

旨依議欽遵在案今順天府經歷許準該署府尹既稱試俸三年已滿勤慎供職等語應照例准其實授可也恭候  
命下臣部遵奉施行臣等未敢擅便謹

題請

旨雍正八年十一月二十六日題本月二十八日奉

旨依議



經筵講官少保兼太子太保保和殿大學士兼吏部<sup>官</sup>尚書事加四級臣張廷玉等謹  
題為欽奉

上諭事該臣等議得安慶巡撫程元章等疏稱試用知縣紀咸署理旌德縣印務一年  
限滿辦事勤慎洵屬稱職會題補授等因前來 查紀咸順天舉人係雍正六

年九月內奉

旨命往安慶委署試用之員今該撫等既稱該員委署旌德縣試用一年辦事勤慎洵屬  
稱職等語應如該撫等所請紀咸准其實授旌德縣知縣可也恭候  
命下臣部遵奉施行臣等未敢擅便謹

題請

旨雍正八年十一月二十六日題本月二十八日奉

旨紀咸依議補授